



LIBER SECUNDVS ALCHEMIAE.

DE CHYMA.

TRACTATVS PRIMVS DE MAGISTERIIS.

C A P V T I.

Quid Chymia.



HYMIA est pars secunda Alchemiae, de speciebus Chymicis conficiendis.

Species Chymica est, quæ per operationes Alchemiae in enchirisi expositas perficitur.

Itaque & prior pars Alchemiae huius gratia est, in qua inde sumti modi peculiariter adhibentur ad opus Chymicum perfectum.

Paracelsus artem Essatam videtur nominare, eamq; solam iudicavit dignam praeceptis, artificiosarum operationum modos disciplina manuali seu exercitio apud magistros praestantes relinquens. Quæ item species Chymica hic vocatur, in opere quodam etiam essentia nominatur, quamquam non desint qui arcana, E& astra, E& quouis granditudo quodcunque quouis modo preparauerint, appellare non erubescunt.

TRACT. I. CAP. II.

De magisterio qualitatis occultæ, vbi de Magnetismo, &c.

Species Chymica est duplex: Simplex & composita.

Simplex est quæ uno continuo processu ad suam in se perfectiōnem perducitur proximē ex imperfecto & rudi. Itaque etiamsi ante elaborationem multæ res commisceri soleant, in aliquibus & sic compositiō fieri, tamen pro homogeneo & simplici habetur, quod inde conficitur, sicut ex elementis mixtum similare in corpore humano. Illa verò compositio intelligitur esse ex essentijs pluribus iam elaboratis, & non ex rudibus rebus confusa, sed ad unam formam uno processu elaboratis.

¶